

## ПОВЕСТЬ О БРАЖНИКЕ

Повесть, своим содержанием направленная против формального благочестия, является пародией на переводные (с греческого) «хождения в рай». Она, под кратким обозначением "О бражнике", в XVII в. была занесена в индексы запрещённых книг.

Текст печатается по изданию: Памятники старинной русской литературы, издаваемые графом Г. Кушелевым-Безбородко. СПб., 1860. Вып. 2.

### СЛОВО О БРАЖНИКЕ, КАКО ВНИДЕ В РАЙ

Бысть неки бражник и зело много вина пил во вся дни живота своего, а всяким ковшом господа бога прославлял и чясто в нощи богу молился. И повеле Господь взять бражникову душу и постави ю у врат святаго рая божия, а сам ангел и прочь пошел. Бражник же нача у врат рая толкаться, и приде ко вратам верховный апостол Петр и вопроши: "кто есть толкущийся у врат рая?" Он же рече: "аз есмь грешны человек бражник; хошу с вами в раю пребыти". Петр рече: "бражником zde не входимо!" И рече бражник: "кто ты еси тамо: глас твой слышу, а имени твоего не ведаю!" Он же рече: "аз есть Петр апостол". Слышав сия, бражник рече: "а ты помниши ли, Петре, егда Христа взяли на распятие, а ты тогда трижды отречеся еси от Христа. О чем ты в раю живеши?" Петр же отъиде прочь посрамлен.

Бражник же нача еще у врат рая толкаться; и приде ко вратом Павел апостол и рече: "кто есть у врат рая толкаетца?" – "Аз есть бражник; хошу с вами в раю пребывати". Отвеща Павел: "бражником zde не входимо!" Бражник рече: "кто еси ты, господине? глас твой слышу, а имени твоего не вем!" – "Аз есть Павел апостол". Бражник рече: "ты еси Павел, помнишь ли: егда ты первомученика архидиякона Стефана камением побил? аз, бражник, никоу не убил!" И Павел апостол отъиде прочь.

Бражник же нача у врат толкаться, и пряде ко вратом рая царь Давыд: "кто есть у врат толкаетца?" – "Аз есть бражник; хошу с вами в раю пребыти!" Давыд рече: "бражником zde невходимо". И рече бражник: "господине, глас твой слышу, а в очи тебя не вижу; имени твоего не вем". – "Аз есть царь Давыд". И рече бражник: "помниши ли ты, царь Давыд, егда слугу своего Урию послал на службу и веле ево убити, а жену ево взял к себе на постелю, и ты в раю живеши, а меня в рай не пуцаеши!" И царь Давыд отъиде прочь посрамлен.

Бражник нача у врат рая толкаться, и приде ко вратом царь Соломон. "Кто есть толкаетца у врат рая?" – "Аз есть бражник; хошу с вами в раю быти!" Рече царь: "бражником zde невходимо". Бражник рече: "кто еси ты? глас твой слышу, а имени твоего не вем!" – "Аз есмь царь Соломон". Отвещав бражник: "ты еси Соломон; егда ты был во аде, и тебя хотел Господь Бог оставити во аде, и ты возопил: "господи боже мой, да вознесетца рука твоя, не забуди убогих своих до конца!" А се еще жены послушал, идолом поклонился, оставя бога жива и четыредесять лет работал еси им; а я, бражник, никоу не поклонился, кроме господа бога своего; о чем ты в рай вшел?" И царь Соломон отъиде прочь посрамлен.

Бражник же нача у врат рая толкаться, и приде ко вратам святитель Никола. "Кто есть толкущийся у врат рая?" – "Аз есть бражник; хошу с вами в раю во царствие внити". Рече Никола: "бражником zde невходимо в рай: им есть мука вечная и тартар<sup>1</sup> неисповедим!" Бражник рече: "зане глас твой слышу, а имени твоего не знаю: кто еси ты?" Рече Никола: "аз есть Николай". Слышав сия, бражник рече: "ты еси Николай, и помнишь ли: егда святи отцы были на вселенском соборе и обличяли еретиков, и ты тогда дерзнул рукою на Ария безумнаго; святителем не подобает рукою дерзку быти; в законе пишет: "не уби(й)", а ты убил Ария треклятаго!" Николай, сия слышав, отъиде прочь.

Бражник же еще нача у врат рая толкаться, и приде ко вратом Иоанн богослов, друг Христов, и рече: "кто у врат рая толкаетца?" – "Аз есть бражник, хошу с вами в раю быти!" Отвещав Иоанн Богослов: "бражником есть не наследимо царство небесное, но уготованна им мука вечная, что бражником отнюдь невходимо в рай!" Рече ему бражник: "кто есть

---

<sup>1</sup> ад

тамо? зане глас твой слышу, а имени твоего не знаю?" – "Аз есть Иоанн богослов". Рече бражник: "а вы с Лукою написали во Евангелии: друг друга любляй; а Бог всех любит, а вы пришельца ненавидите, а вы меня ненавидите! Иоанне Богослове! либо руки своя отпишись, либо слова отпрись!" Иоанн Богослов рече: "Ты еси наш человек, бражник! вниди к нам в рай". И отверзе ему врата.

Бражник же вниде в рай и сел в лучшем месте. Святи отцы почяли глаголати: "Почто ты, бражник, вниде в рай и еще сел в лучшем месте? Мы к сему месту не мало приступити смели". Отвеща им бражник "Святи отцы! не умеете вы говорить с бражником, е-е, токмо что с трезвым!" И рекоша вси святии отцы: "Буди благословен ты, бражник, тем местом во веки веков!" Аминь.